

Ассаламу аьлайкум, дустал

# ХХЯХЖА БАРГЪ

Лакрал райондалул кказит. Ига бакълай 100-сса шин.

12+

«ЗАРЯ»

Нюжмар  
1 сентябрь  
2023 ш.

№37 (9458)

www.zaria-online.ru  
gazetazary@mail.ru

## Дуккаврил ц1усса шинащал!

Дуккаврил шин сентябрьданул 1ний дайдихлан ккаккан бувну бур 1936 шинал, ВКП(б)лул ЦИКрал ва СССРданул СНКрал х1укму бувну. Му кьини дарсру дайдихлахисса байрамраин клурадаен дан маслихат бувну бивк1ун бур педагог Федор Брюховицкийлул. Цалчинмур гюнгут1и бишлангу - мунала.

К1улшивуртгал кьини пачах1лугьрал даражалый ц1акь дуллай 1984 шинал СССРданул Верховный Советрал итабавкьун бур Указ «О праздничных и памятных датах».

Сентябрьданул 1ний аьрасатнал школардай сакин дай дуккаврил шин дайдихлахисса шадлугьру, бищай цалчинсса гюнгут1и. 11мул классраву дуклакминнал, каругу дургьуну, 1мур класравун бувк1ми к1ул бай школалушал, учительтурашал.

Дарсру му кьини кьадишай, классрал ссятру, собраниертту дай, дишай дакьаврин, мюхчаншиврун хас дурсса дарс. Цалчинмур класравун бувк1ми к1ул бай школалушал, учительтурашал.

Аьрасатнаву кунма, сентябрьданул 1ний оьрч1ру школалийн гьай 122 билая-



трай. 13ний гьай январьданул 1ний. 16ний - мартай. 10ний - августрай.

Гьашину дуккаврил шин дайдишайхту, школарттай тамансса дахханашивуртту хьунт1ий дур:

-1-11 классиртгаву дуклакминнал дурну дур циньянан цакуцсса программарду циняр дарсирдал. Миннун ц1а дирзун дур «мусил стандарт».

-10 ва 11 классиртган х1адур бувну бур таварих (история) лахьхьайсса ц1усса учебникру 4 том бусса: «История России» 10мур классранса (1914-1945 шинну); «История России» 11мур классранса (1945 шиная ц1ананинсса); «Всеобщая история» - к1ива том - 10

ва 11 классиртгансса. 11мур классранса луттирай бур Крым Аьрасатнащал ц1ач1ун шавриясса ва хасьсса операциялиясса бут1ригу.

-лавайми классиртгаву-миннахь дихьлант1ий бур НВПлул (начальная военная подготовка) дарсру.

-школарттайн занадитлай дур арцул медаллу. Ми дукьан дурссия 2015 шиная дайдирухьуну.

-гужравун духлай дур дуклаки оьрч1ру жяматран мюнпатсса давурттай зузи бавриясса закон.

-нюжмардий цал дихьлант1ий дур «профориентация» т1исса дарсру.

Барча зул ц1усса дуккаврил шин, дуклаки оьрч1рув, учительтал!!!

Змур сентябрь - терроризмалуштал талатавриву циняв гьуртту шаврил кьини

## Дак1ния кьадукайсса ццахханну

Жула билаятрай гьарца шинал сентябрьданул 3ний к1иц1 лагайссар терроризмалуштал талатавриву циняв гьуртту шаврин хас дурсса кьини. Цанчирча, му кьини дарх1уну дур 2004 шинал 1-3 сентябрьданий Бесланнай хьусса, хьинну оьх1алсса террорданушал.

Ва кьини хьама кьади-тансса, дак1нин бутлатисса давуртту дан буржлув буллалиссар 2005 шинал июньдалул бний кьамул дурсса «О днях славы России» т1исса Федерал закондалул.

Муния махь му кьини билаятрай халкьуннал дак1нин бичайссар террористурал к1унттища ливт1умигу, цала кьуллугьрал буржру биттур буллай жанну дулласса право дуручай органнал зузалтту, цайми-цаймигу.

Дак1нин дутларча, хьхьич1уннай кьачансса терактру хьунни жула билаятрай личи-лич1исса к1анттурдай, шагьрурдай.

Амма миннуву яла оьбала ххишаласса бувмурну хьунни Ухссавнил Осети-янаву, Бенсланнай хьумур, ч1явусса мюрци оьрч1ру

ливт1умур. Га кьини, нити-буттащал, сентябрьданул 1ний «К1улшивуртгал кьинилин» ххарину бувк1сса оьрч1ругу, нину-пугу, учительталгу ярагьуннил балгусса, жиндралсса кьачагьтурал ясирну бувгьунни. Шанма гьантлий зулмулий, ццаххандарай бивтунни ми.

Террористурал аьдад 1200нин дирсса дирк1ун дур.

Му чапхундараву террористурал канища ливт1унни 340хьул аьй дакьасса, паракьатну оьрму бутлатисса, ялапар хьанахьисса инсантал. Миннава бач1и - балугьравун кьабивсса.

Оьрмурдац1а хьуми ч1явуми оьрч1ру-хьами хьунни. Щавурду дирунни 500ная ливчусса инсанту- (Ургу 2 лаж.)

31 август - Ветеринариялул зузалтрал кьини

## Инсаният ябуллалисса пишакартал

Гьарца шинал август зурул 31ний билаятрай шайссар гьаттарал х1акинтурал оьрмулуву хьинну агьамсса, ххари хьунсса кьини. Му кьини к1иц1 лагайссар Аьрасатнал пачах1лугьрал ветеринариялул зузалтрал кьинину.

Му официалсса пачах1лугьрал профессионал байранну ц1акь дурссар 2014ку шинал июньдалул 11ний. РФлул шьраваллил хозяйстволул министрнал, Н. В. Федоровлул кьулбас дурссар «Об установлении профессионального праздника - Дня ветеринарного работника» т1исса, 188мур номерданилусса х1укмулий.

Ветеринариялул медицина, ягу ветеринария - му хьанахьиссар кьашавайсса, азар дусса, щавурду дирсса, х1асил, цукунсса бунугу оьзру хьусса ризкьи ххал буллалисса, ми хьин буллалисса, кьашавайшиврул хьирив лалалисса ва ми хьун кьадитавринсса профилактикалул давуртту дуллалисса элму. Инсаннал

за к1улсса х1акинтал, хьин ансса медициналул кумаг аьркинсса кунма, ризкьилунгу аьркинну биклайссар цала специальность ххуйну к1улсса гьаттарал х1акинтурал кумаг. Ризкьилийгу инсантурай куннасса азардугу, кьашавайшивурттугу хьуна дакьайссар.

Яла-яла зах1матмур - кьашавайсса ризкьилия инсаннайну азар лахьан бюхьайссар, кьашавай шайссар. Мукунсса азарду хьун кьадитавури ветеринариялул хьунмур гьунар.

Ветеринариялул сфералу-вугу дусса дур пишалул цила-цила кьартри. Миннуву дур кинологшиву, ратологшиву, герпетологшиву, грумершиву, ветеринарный фельдшершиву ва м. цаймигу.

Ч1алач1исса зад бур, маз

кьак1улсса х1айвантрал кьашавайшивуртту хьин дан, к1ул дан цуксса зах1матссарив инсанналминнух бурувгун.

Х1акьинусса кьини ветеринариялул х1акинтал зий



бур ветеринариялул клиникарттай, ветеринариялул станциярдай, ипподромирттай, зоопаркирдаву, циркирдаву, шьраваллил

хозяйстволул предприяти-ерттай, х1асил, ризкьилун медициналул кумаг аьркин хьанахьисса к1анттурдай.

Ми х1адур буллай бур Аьрасатнал ч1явусса дуккаврил, элму ахттар даврил вузру, идарартту. Хьинну бусравсса, хьинну чарабакь-асса, к1улшивуртту душиву аьркинсса пиша хьанахьис-

ну.

Хьинну цала пишалуву гьунар бусса, касму ххира хьусса гьаттарал х1акинтал, фельдшертал зий бивк1ссар ва х1акьинусса кьинигу зий буссар жула райондалий. Ми буссар зунттавугу, ардайгу, ризкьилул минардайгу миннул ц1уллушиврул, бак1 буккавил кьаралданий.

Миннал ц1арду хьинну ч1ярури, циньянал х1исавккал дангу зах1матри.

Амма, мукунминналли халкьуннал ц1уллушиву дурчлачисса, ризкьи ябултрал ах1вал, маэшат ххуй буллалисса, ми сахла буллалисса.

Барча банну жула циньявпагу ризкьилуха кьуллугь буллалисса, ми хьин буллалисса ветеринариялул зузалт, пишакартал цала пишалул байрандалушал! Ч1а учинну миннал ц1акьсса ц1уллушиврушалсса лахьисса оьрмурду. Давурттай хьхьич1уннайшиву ва талих1.

«Хьяххабургьил» редакция

## Дак1ния къадуккайсса ццахханну

(Дайдихъу 1 лаж.)

31 террорист ивк1уссар гайннал бувгъуми тархъан буллалисса операциялуву. Му теракт цала каялушив-рулу х1адур дуршиву Интернетраву баян бувна Шамил Басаевлул.

Гания махъ жула х1укматрал ч1ярусса давуртту, мюхчаншивуртту дуллалиссар школарду, цайми агъали бат1айсса кланттурду, оърмулуву чарабакъасса

дишайсса террор-экстремизмалушал талатаврин, миннуя буруччаврин хас дурсса дарсру.

Ци ч1умалгу терроризм дур инсантурал оърму нигъач1аврий къабиклаврин къарцисса ца яла оьбаламур бала. Хъуниминнангу мюрциминнангу, гъарца каснангу бувч1уну биклан аьркинссар терроризмалушал талатаву душавришчал му хъун къадитансса,



Беслан,  
мы  
помним...

3 сентября  
День  
солидарности  
в борьбе  
с терроризмом



объектру мюхчан бан, террор-экстремизмалия буруччин.

Сентябрьданул 3ний, мукунма, агъалинан дак1нин бичайссар Хъуншагърулий, Чачаннаву, Буденовский, Первомайский, Буйнакский ва цайми кланттурдай дурсса терактирдаву оърмулуца хъумий, балардахъхъун биривми.

Школарттай му къини

хъхьич1уннайсса давурттугу дуллан аьркиншиву.

Хасъсса къулагъас ва данди бац1аву дан Интернетраву терроризмалул оьх1алсса пикрирду пив буллалаврил чулухунмай. Гъарца инсаннал буржри ва ишираву жаваблущин дуну, лич1улуну, му балалухун цувагу, цала лагмамигу х1ала къабуххансса куццуй зана-къулу хъанан.

## Судрайн булаву бигъа дунни

Дагъустаннай РДлул Верховный судрал, РДлул Судиртгал департаментрал Управлиелул ва МФЦлул (Многопрофильный центр предоставления государственных и муниципальных услуг в Республике Дагестан) джанив Рязишинна (Соглашение) чирчунни.

Регионалул Судиртгал департаментрал Управлиелул бувч1ин бунни, му Рязишинналийн бувну, судиртгайн документру булун ва судиртгата документру ласун бюхъайшиву электронный журалий МФЦлул кланттул филиаллайхчин.

Клициларгсса идарарттал кувнал-кувнашал мукунсса дах1авуртту дурну, гъарцаннаша бюхъалант1иссар судрал масъаларттушаллу баву

бигъа бан. Му т1алавшин шаллу дуллалини МФЦлул зузалтрал кумаг байссар инсантуран ГАС "Правосудие" т1исса интернет порталданий "Личный кабинет" т1итин ва бувч1ин байссар, му зузи байсса куц. Мукунма кумаг байссар судиртгайн документру булаврил масъалартту шаллу бан, судраята документру буч1ан бан, документирттал пакетру багъайсса куццуй сканировать бан, файлу загрузить бан ва м.ц. аьркиншиннарду шаллу дан.

Амма, клицилавгун бур, МФЦлул зузалтрал къадайшиву судрайн гъан буллалисса документирттай чивчумунил х1акъбиравсса юридический консалтация.

А. Ах1мадов.

«Лакрал район» МРданул администрациялул х1укму

2023ш. 2 август. №23

## Терроризмалушал талатавриву циняв цач1ун шаврил къинилун хасъсса давуртту даврия

Терроризмалушал талатавриву циняв цач1ун шаврил къинилуц1ун дарх1усса давуртту мюнпат ххишалану даву, Миллатрал терроризмин къарцисса комитетрал т1алав буллалимур ва регионалул АТКлул 2023 шинал план ххуйну биттур даншиврул администрациялул х1укму буллалиссар:

1. Терроризмалушал талатавриву циняв цач1ун шаврил къинилун хасъсса давуртту райондалий дан 2023 шинал 1мур сентябрьданий байбивхъуну 10мур сентябрьданий бияннин.

2. Терроризмалушал талатавриву циняв цач1ун шаврил къинилуц1ун дарх1усса давуртту х1адур дансса ва ми биттур дансса зузи къюкъа сакин дан 10 инсанная ва дуккаврил идарартгал бак1читура.

3. Терроризмалушал талатавриву циняв цач1ун шаврил къинилун хасъсса давуртту цукунсса диклант1иссарив ч1алач1и бувсса план ц1акъ дан.

4. УОрал начальникнан, МКУК, ЦТК, МПСТ ва ЦБС А. Къажлаевлул:

-дуккаврил, культуралул идарарттай каялушиву дуллалиминнан терроризмалушал

талатавриву циняв цач1ун шаврил къинилуц1ун дарх1усса давурттал планну х1адур дан тапшур бан ва ми биттур даврил ялув бац1ан.

- ва х1укму биян бан дуккаврил ва культуралул идарарттай каялушиву дуллалиминнач1ан.

5. «Лакрал район» МРданул аппаратрал бак1чи М.Гадаевлул терроризмалушал талатавриву циняв цач1ун шаврил къинилуц1ун давуртту дайни идарарттай, организациярдай координирование дан.

6. «Хяххабургъил» хъунама редактор М. Мусалаевлул дуллалисса давуртгата кказитрай чичин, му х1ала бакъин.

7. Ва х1укму бищун «Хяххабаргъ» кказитрай ва администрациялул официал сайтрай.

8. Х1укму биттур шаврил ялув ац1ан тапшур бан жямат нигъач1аврия буруччаврилсса буллалисса райадминистратиялул бак1чинал заместитель Я. Х1амзаевлул.

Ю. Х1. Мах1аммадов,  
«Лакрал район» МРданул  
администрациялул бак1чи.

МЧС

## Къаркъсса уртту маччучларди!

Къаркъсса уртту ччурччуну хъинссар, т1ий, ми ччучлан бик1ай цаппара инсантал. Т1айлассар, ми ччуччай ца-ца ч1умал ц1упар кунугу, амма мукунсса ишру нажагъ бакъа къашай.

Т1абиаьтрай бигъалаггани бала ялун къабияншиврул, маслих1ат буллалиссар:

-гъарца кулпатраву ххуйну пикри бан, бигъа лаггани, ц1арая мюхчан цукун хъунт1иссарив. Мукун пикри

бувну сакин дурсса шарт1ру дурчлан аьркинссар хъуниминналгу, оьрч1алгу;

-багъирдавужу пожар къахъуншиврул, къаркъсса уртту маччуччаванни. Ц1инциру маччуччаванни. Ми аьршараву дуччирча хъинссар сант дусса кланай. Амма, зува ми ччуччай байбиширча, ялув бавц1ун билук1ияра;

-бигъалаглай бивк1сса кланттурдай ччувчун къуртал къавхъусса къавт1ирду, лекъарщусса килпирду, п1ап1русру, пюрундалул шушири (бургъилу миннул бюхъайссар, бурулданул кунма чани цач1ун бавт1ун, уртту, мох ччуччачи дан);

-урттуин ц1у мащиларди, ц1у ларч1сса затру ургала акъа макъадитларди;

-эки дичиннин, п1ап1русругу, лархъсса килпирругу ххуйну лещан дулувара.

Къаркъсса уртту ччуччаврия хайрнир, зарал

хъинну хъунмассар. Буттал улкулуй бюхъайссар т1абиаьтран хъунмасса зарал биян. Ц1арал, къаркъми уртту ччуччаву бакъасса, ц1унил хъанахъимигу бас дайссар. Ччуччайссар мохгу, къат1ригу, жагъилсса мурхъругу. Уртту ччурччуну, аьршарвавусса мюнпатсса затру гъарзат зия шайссар, ххяххияртту зия хъун къадитайсса затру х1исавну.

Вац1раву пожарду шаврил ца сававгу - къаркъсса уртту

сар.

Пожардая мюхчан хъунсса т1алавшинну къадуруччаврихлусса жаваблущин ккаккан дурну дуссар Аьрасатнал Федерациялул административный низам зия давриясса Кодексрал 20.4 статьялий. Му низам зия даврихлу дишайсса аьч1ри мадара хъунисса дур. Инсантурай дишайсса аьч1а дур 2 азарунния 3 азара къурушрайн дияннинсса. Куллугъчитурайд дишайсса аьч1а



6 азарунния 15 азара къурушрайн дияннинсса. Юридический лицо къавхъунува ишбажаранчишиву дуллалиминнай - 20 азарунния 30 азара къурушрайн дияннинсса.

Юридический лицордай дишайми аьч1ри т1урча лап хъунисса дур. Миннай аьч1ри дишин бюхълай бур 150 азарунния 200 азара къурушрайн дияннинсса. Къаркъсса уртту ччуччай, хъуслингу зарал биярча, уголовный делогу сукку дан, тахсир хъума хъуслин бивсса зарал лахълахъи ангу бюхълай бур.

Уртту ччуччаву - гара пожарди, цайми пожарду куннасса. Пожар т1урча хъун къадитан бигъассар, лещан даннир. Лич1улуну билук1ияра ц1арашал!

М. Г. Багъауттинов,  
№12 ОНД ва ПРданул  
хъунма дознаватель,  
виваллил иширтталсса  
байсса къулулугърал майор.

Юсуп Муркбилинскийн -160 шин

# Хъамаитан къабуч Иссар

Муркбилинахъвал Юсуп-апанни увну гъа-шину бартлаглай дур 160 шин.

Га увну ур 1863 шинал Гъумук Ханажиял махлалай Муркбилинахъвал Загъидинал кулпатраву. Шяраву Загъидинал бивкун бур тгучан, хъу-лукччи, ххуйсса къатта-къуш. Цала хъунама арс Юсуп гана, дуккин увну, алимчув хъун увну ур.

Юсуп дуклай ивкун ур цал Муркбилинахъвал мизитраву, яла - Гъумучиял Хъун-мизитраву, Салтлиял мадрасалу-ву, Эрпелив (Темир-хан Шурагъиял райондалийсса шяравалу) ва Азайни (Тарки) шяраваллаву. Ганан лавхъхъуну бур аьраб, парс, турк, къумукъ ва оьрус мазругу.

Азайнив дуклакисса члумал, ацния майра-урчлра шин хъусса жагъил Юсуплун эшкьи хъуну дур мазралгу пасихлсса, ккаккангу гъайбат дусса къумукъ душних. Абай тлссса га душ бивкун бур мусулманнал диндалул элму лахълахъисса, баклралгу, чурххалгу ххуйсса, ябацлансса душ. Гай бивкун бур кувначлан-кув назмурдайсса эшкьичаврил чагъарду чичлай.

Азайнив дуклакисса члумал Юсуплун чичайсса диркун дур пасихлсса назмурду. Архлал дуклакисса гьалмахтурал гай, кувная кувнал чичлай, дакнийх лахъхъайсса диркун дур.

Буттан, Загъидинал цукун клул хъуссарив, арс къумукъ душних эшкьи хъушиврул хавар баяйхту, Юсуп шавай учлан увну, хъу-лукччинуха зузи увну ур. Гъази-Гъумуксса байбихъуллул училищелу-ву га дихълай ивкун ур географиялул, математикалул, аьраб мазрал дарсру. Амма, цаламур дуккавугу къакъадиртун дур. 1891 шинал Шурагъ гана ххуйну экзаменну дуллуну, къадишиврул цланнин лайкъ хъуну ур. Яла 1901 шинайнин къадишиву дулай ивкун ур, ганаин Юсупкъади учайсса бивкун бур.

1896 шинал Юсуп-къади-нал бувцун бур Умумуксум тлссса душ.

Гъумучатусса Каламадин-хъул тлссса, авадансса тухумрал инсантурал ганаин оьвкуну бур Ашхабадрай цала буллалисса мизитраву зун. Амма, миннаща мизит бувну къуртал бан къавхъуну, Юсуплун багъну бур тийхва мадрасалуву зун, муниципала басмаханалийгу (типография) аьраб мазрая оьрус мазрайн дилмажшиву (таржумачи) дуллан. Му даврий зузисса члумал Юсуплун лавхъхъуну бур цладурксса



шаэртурал Сааьдинал, Низамил, Фирдоусил, Физулил, Хлапизлул чивчумур.

Ашхабадрай зий, ххуйсса харж ласлай, Гъумукун буттачлан арцу гъан дуллай ивксса Юсуплун, шавай увксса члумал, къаччан бивкун бур, цала кулпат мачлру дирзсса янналуву квавккун.

1904-1914 шиннардий Муркбилинахъвал Юсуп зий ивкун ур Клапклайлив (Владикавказ) къадину. Мунищала, оьрчлан тливтлссса мактабравугу аьраб мазрал, географиялул, тлабиаьтрал ва цаймигу дарсру дихълай ивкун ур. Арулла шин дурну дур гана тийх Хъун мизитрачла тливтлссса училищелул хъунаману ва учительну зий. Клапклайлив гана лавхъхъуну бур аьсатлин мазгу, цувагу тийх хъунмасса хлурматрай яхъанай ивкун ур. 1906 шинал цала кулпатгу тихун цачлан-ма бувцун бур.

Шин лях къаларгун, Юсуплуя хъуну ур Ухсавнил Кавказнал Рувханийсса (Духовное) управлиелул муфтий. Ганал хъхъичлунсса дусталну га члумал бивкун бур аьсатлиннал шаэр Коста Хетагуров, щайх Жамалуттиннул арсру, Замир Аьли (Аьли Каев), Алкъадардал Хласан, (Исламрал элмурду-гу клулсса, таварихгу клулсса аьлимчув, шаэр. Лазгиричув, Кураллал Алкъадар шярава-

тусса. Дуклай ивксса Мухламмат Ярагъский-лучла). Юсуп-къади ивкун ур бюхханну гьал-гъа байсса, пасихлсса, чурххал ябацлансса инсан. Мунияту га 1906 шинал гьуртту хъуну ур аьсатлиннал цладурксса шаэр Коста Хетагуровлул бивкун-букку-лувугу.

1907 шинал Бакуй бавтлун бур щала Кавказнал цладурксса аьлимтал лухли навт буклай авадан хъусса Тагъиевлул арцух. Дагъустаннал чулу-ха га мажлисрайн гъан бувну бур Ю. Муркбилинскийн ва Х. Алкъадарский. Му мажлисрайн бавтлми, аьраб-нал, парс-нал ва турк-нал мазурдий махъу лавхъун, куртлсса мяьна дусса доклагду бувну, Юсуп-къади-нал махлаттал бувну бур. Тагъиевлул гана бахшишран тапшур дурну дур мусил медаль ва хъувух рутайсса, багълул ххирасса чартта-щалсса чарсса.

1908 шинал Ю. Муркбилинскийн, Тгуплисрай экзаменну дуллуну, лайкъ хъуну ур "апанни" тлссса хлурматсса цланин. Гара шинал увчлуну ур цлуну тливтлссса Мусулманнал управлиелул членну. Му Управление тливтлингу гана хъунмасса

хларачат бувну бивкун бур. Ганинин Ухсавнил Кавказнавусса мусулмантал мю-тлийну бивкун бур Къазаннайсса Управлиелин.

Хъиривмур шинал Юсуплул каялушиврий Клапклайлив ччясса мутталый бувну бур исвагъисса, амма лагрулул танияр чливисса, Египетнал хъун шагъру Къаирданий кунмасса мизит. Му бансса арцу гана дартлун дур цанма клулсса савд-жартура (купецтал): Аминта-хъал Оьмардуя, Гузунхъал Мухламматлуя, Аьвдурашид Хлабиевлуя (шамагу Гъумучатусса), генералтал Темирбулат Дударовлуя ва Джанхота Куденовлуя, полковник Идрис Шанаевлуя, князь Алыпкъач Илдаровлуя (яручув), доктор Мухламмат Тлалхлатлуя (яручув), инженер Мухламмат Оьмаровлуя (лаккучув) ва цайминная.

Му мизитраву зунми личи бан, баян бувну бур конкурс. Муниву гьуртту хъан-хъиминнан клулну биклан аьркинну бивкун бур, аьраб маз бакъасса, шариаьтгу, исламрал таварихгу, философиягу, Къурандалул аятирт-тал мяьна тлайлану дурчлин дуллалисса тафсирдугу, оьрус мазгу.

Му конкурсраву ххув хъуну ур Юсуп-апанни.

**Аьбиди Хлаьдаев.**  
(Ахир дуссар)

## Барча уллай буру

Дакнихтуну барча уллай буру жула дувс-ихтивар, Уриннал аслийсса тухумрал вакил ва ишккакку, ветеринариялул Уриннал участокрай, «Коммунист» колхозрай (СПКлий), 1998ку шиная шихунай каялушиву дуллалисса Махламматов Халид Аьбидинал арс


увсса къинилушчал ва ветеринариялул зулал-трал къинилушчал.

Мукъархъиял жяматран Халид ххирари буттахъал мина дурурччуну, жяматрал чларав авчлуну, кумагчину, итххяхъсса хозяйство дачин дувуну ва специалистну. Дувстуран бусраври цала дугърисса тлуллай-ну, чумартсса дакнил заллуну, уздан-мягърип-арай кулпат бачин бувну.

Ванал хларачатрайну духлагавайсса хозяйство ччаннай дацлан дурну, ялу-ялун гьарта хъанай, кутак ххишала хъанай дур...

Ина цлуллулу, ххари-тяхъану лахъисса оьрмулул ххуллийх тлайлабацлуну най итаннав.

Вил хъиншиврийсса я бутаву ва талихл тачлав къалещаннав!



## Пенсионертурса бюхъайссар налог къадулун

**Аьрасатнавусса пенсионертурса бюхъайссар гъашину цала хъуслих, мулкирах налог къадулун.**

Пенсионертурса ихтияр дуссар гьарца шинал дишайсса налог къадулун лув клицларгсса сияхлрайсса гьарца журалул къатрах:

- квартира ягу къатта;
- яхъанахъисса къатри ягу миннул ца бутла;
- гараж ягу машина бишайсса клану;
- инсан цала творчестволуха зун иклайсса къатри;
- дачалул участокрай дурсса 50 кв.метралуяр ххишала дакъасса ичлаллин аьркинсса къатри.

Мунин бувну, агар пенсионернал заллушиврий духъурча царай къатри, ца квартира ва ца гараж, мунахъ ихтияр дуссар миннуяту цаннихрагу налог къадуллан.

## Дуккаврихсса компенсация

**Дагъустаннал Хлукуматрал цлакь бунни оьрчлру члявусса бусса кулпатиртгавусса оьрчлру пиша лахъхъайсса дянивмур даражалул образованиелул программардай арцух дуклаки бансса багълул ца бутла лахъансса Хлукму.**

2023-24ку дуккаврил шиная байбихъуну ми багъри лахъантлививрийн хъул бишин бучлссар укунсса лагрурдай:

30% - ххюва ягу ххишала-сса оьрчлру бусса кулпатиртгавусса оьрчлан;

20% - ххюнниял чанса оьрчлру бусса оьрчлру члявусса кулпатиртгавусса оьрчлан.

Мукун, дуккаврихсса багълул бутла лахъаврил (компенсация) аьрза булайссар социальный чулуха агъали буруччайсса учреждениелийн цивппа яхъанахъисса кланай ягу цивппа бусса кланай лув клицлавгсса цания ца журалий:

-социальный чулуха агъали буруччайсса (соц-защита) органдалийн цува лавгун;

-МФЦлийхчлин;

-электронный журалий «Госуслуги» порталданийхчлин;

-почталийхчлин, му аьрза буллушивугу, буллусса къинигу тасттикь дан бюхъайсса журалий.

Ларгсса шинал сентябрьданул иний дайдирухъсса дуккаврил шинахсса аьрза булайссар, му дуккаврил шин къуртал шайхту, амма, дуккаврил шин къуртал хъусса календарьданул шинал ноябрьданул 30ниял члал къабувну.

Компенсациялул арцу дулайссар образованиелул организацилий очный журалий дуклакисса гьарца оьрчлан цал. Амма, му оьрчлан 23 шин хъуннин.

Дуккаврил шинахсса компенсация дулайссар му дуккаврил шин къуртал хъуну махъ.

Дагминтруд.

**Учредитель:**  
Администрация  
МР «Лакский район».  
Учредитель:  
«Лакрал район»  
МР-далул  
администрация

**Главный редактор**  
М. М. Мусалаев  
**Ответственный секретарь**  
К. М. Курбанов  
**Корреспондент**  
К. М. Курбанов

**Опер. комп. набора**  
Р. И. Джалаева  
**Тех. редактор**  
А. М.-Р. Абакаров

**Адрес редакции, издателя:**  
368360, Республика  
Дагестан, Лакский район,  
с. Кумух, ул.  
Сурхайхана-1, 96

Газета набрана  
и сверстана на  
компьютерной базе  
редакции газеты «Заря»  
и отпечатана в ГАУРД  
«Издательский дом»  
«Дагестан»  
Адрес:  
г. Махачкала,  
пр. Насрутдинова, 61.

Срок подписания  
в печать 17.00  
Подписано в 16.00

Газета выходит  
в неделю 1 раз.  
Тираж 682 экз.  
Цена свободная.

Газета зарегистрирована  
Управлением  
Федеральной службы  
по надзору в сфере  
связи, информационных  
технологий и массовых  
коммуникаций по  
Республике Дагестан от  
22 августа 2017 г.

Регистрационный  
ПИ № ТУ05-00385

Позиция редакции  
может не совпадать  
с точкой зрения  
авторов, которые несут  
ответственность  
за достоверность  
представленных для  
публикации материалов.

Цанасса герб цлакъ бувсар 1993 шинал 30мур ноябрьданий бувксса, 2050мур номерданилусса Аьрасат Федерациялул Президентнал указрайн бувну.

1990ку шинал 5мур ноябрьданий РСФСРданул Министртурал Советрал къамул бувссар цлусса журалул РСФСРданул герб ва паччахлулгьрал ттугъ баврил цанийсса хлукму. РСФСРданул культуралул Министерстволуцал, архивирдал даврилсса буллалисса Комитетрайн тапшур бувссар паччахлулгьрал вай символлал цлусса концепция сакин дан.

Аьрасатнал Федерациялул правительстволин диян дурссар гербрал проектрай яла агьанмур лишануну (фигурану) ккаккан бувну бивкун бур клира

# Аьрасатнал Герб

Аьрасатнал Федерациялул Паччахлулгьрал ттугъ, Аьрасатнал Федерациялул Паччахлулгьрал гимн куннасса, Аьрасатнал Федерациялул Паччахлулгьрал официалсса лишан (символ) хъанахъиссар Аьрасатнал Герб.



бак1 дусса барзул, державалул тажрал ва цайми эле-

ментидал фигурарду. Яла хъхъичлун личлачимур проект дирк1ун дур художник Евгений Ухна-лёллул дурмур.

ВС РФлул культуралул Комиссиялул ххалдиргьуну дур ми проекту 1992 шинал мартрай.

Гербрал хлакъиравусса цила вариант ккаккан дурну дур Конституциялул комиссиялулгу.

Ахирданийгу 1992 шинал 4 декабрьданий Конституциялул комитетрал маслихлат бувну бур РФлул халкъуннал депутатъ-

турал VII съездрай цлусса Конституция къамул даннин цлакъ дан цлусса гербрал проект. 1978ку шинал Конституциялул 180мур статья цуну дурсса гербрац1ун, мунил положениелуц1ун бавх1уну чичин ккаккан бувну бур.

Мукун, Аьрасат Федерациялул Паччахлулгьрал гербрай буссар духлисса 2 бак1 дусса, мусил щитравун лавсэсса барзу, ца-ца бак1рай ца-ца таж (корона) бивхъусса, миннул ялувгу мува куцуйусса хъунмасса таж бивхъусса, барзул ххяп-пуртгал скипетр ва держава дургъусса, барзул хъазам-райгу Московуллал герб бивхъусса. Яла 1993 шинал цлусса герб цлакъ бувссар РФлул Президентнал Указрайн бувну.

## Зула ц1улушиврулсса гьуква бан шайссар!

Дагъусттаннай гьарца инсаннаца буюхлахъиссар гьуква дан профилактикалул ххалбигъавуртту. Мукунна, цува яхъанахъисса кланайсса поликлиникалий гьукра, хъхъич1 цала цла чичингу дурну, агъалинан диспансеризация дуллалисса ч1умал.

Ч1явуну инсантуран дак1нийгума къабик1ай, цивпа х1акиннач1ан та лавгссарив махъа-махъ. Хронический (лахъи ларгсса) инжитшивурттугу, онкологиялул инжитшивугу дайдишайссар к1уллагу дакъа, ми душиву шурк1ал хъанайрагу къадирк1ун дуна. Миннул т1ааьн бакъасса асарду к1ул хъанан бик1айссар анжагъ ми лахъи ланг диртун махъ. Амма, к1улну бик1ияра, цумур дунугу инжитшиву, азар хъин дан хъинну бигъассар ми дайди-дирхъусса ч1умал, бак1райра хъин дуллай байбиширча. Муниятири аьркинсса ссал-

ч1ав инжит къауллалисса ч1умал дурсса ххалбигъавуртту - диспансеризация!

Ми ххалбигъавуртту дан буюхайссар яхъанахъисса кланайсса поликлиникалий. Диспансеризация дансса цла чичин дан бигъассар - «Госуслуги» сайтрайхч1ин, «К врачу» т1исса мобильный приложениелйхч1ин зува яхъанахъисса кланайсса хъин бай учреждениелул телефондалин оьвкуну ягу цла чичин дайсса терминал-данийхч1ин.

Цияр ххалбигъавуртту дан буюхант1иссар ца къини. Ца гьантлул мутталй к1ул бан шайссар аьркинсса х1уччарду:

- терапевтнал ххал аву ва анкета дуц1ин даву;
- чурххал массалул индекс к1ул баву (лахъишиву, к1ушиву, лялиялу дуцаву);
- артериялувусса давление дуцаву;
- аьмсса холестерин к1ул

бан оьтту ххалбигъаву;

-глюкоза ххал бан оьтту ххалбигъаву;

-къюк1нил-туннурдал тагъар к1ул даву;

-яруннал вивсса давление дуцаву;

-ЭКГ;

-2 шинал мутталй цал флюорография даву.

Аьркинну бухьурча, ялун ххидурсса ххалбигъавурттугу дант1иссар - лич1и-лич1исса кланттурдал УЗИ, туннурдал УЗДГ, КТ ва МРТ. Ялун лирчусса цияр инжитшивуртту хъин дан хасъсса кланайн гъан айссар. Багълай бухьурча, ларайсса технологияртгал медициналул къядартгал кумаг байсса кланайнгу гъан айссар.

Онкологиялул нигъач1аву дик1ан буюхайсса группалувин багълагъиссар клирашинаял ххшалалсса ч1умуй х1акиннач1ан къалавгун бивк1сса 37 шинаял хъунисса инсантал. Зула мачча-гъан-

миннан му за баян бувара!

Ц1ана ва иширан чансса ч1ун хас дарча, гихунмай зула ц1улушиврийн багъайсса бунияласса масъалартту ялун биян къабитан буюхант1иссар. Диспансеризация - му гьунтти данна т1ий, къадитлан къабуч1исса затри. Ч1умуй ялун личин дурсса инжитшиву хъин дарча, зу оьрму бутант1иссар ххуйнугу, лахъинугу!

Диспансеризация даншиврул, даврий зун дулун буржлувссар бигъалагъайсса къини РФлул Зах1матрал кодексрал 185.1 статьялин бувну.


Инжитшиврул цалчинми лишанну ялун личайхту, к1улну бик1ияра - х1акиннач1ан лавгун хъинссар!

Зух ялугълай буссар зува яхъанахъисса кланайсса поликлиникалий.

Дуруччара зура ц1уллушиву!

Аьли Ах1мадов.

## КРОССВОРД



Сакин дурссар  
Хъусрацтусса  
ШИХАЛИЕВ  
Нурмах1аммадул.

Туха-шихунмай:

3. Майрал бувч1айсса асар.
5. Яттил х1айван.
7. Гъаварал суккут1аву.
8. Къумашиву, буруккин.
10. Х1илла.
11. Хавар.
12. Цунугу хъунаавкъуний байсса ихтилат.
13. К1ул шаву, ххянч1, нач.
14. Пах1унттул щинрут1у.
16. Ххялчи.
17. Махъасса махъ.
19. Къалайчинал мач1.
20. Жуламиннавухсса къюлт1исса чилма.
21. Дунияллул чани.
22. Оькки азар, дукъарч1у.
23. Х1ух1алал ярагъ.

Ла-ялавай:

1. Т1урк1у, махсара.
2. Бивк1улул аьдат.
4. Шариаьтрал аьдлучи.
6. Ссавнийсса шанц1уку.
7. Пяп-чарил усттарнал ярагъ.
9. Зумардая цакуцну архсса клану.
10. Хха.
15. Къатта-къуш.
16. Ухсавниясса марч.
17. Ччуччя.
18. Бак1равусса ххазина.
23. Ттукун-ттархъ, чан — ...
24. Урттул макъ.

ЖАВАБУ:

1. Ххярч.
2. Дярч.
4. Къарч.
5. Къарч.
6. Ххяминт1урш.
7. Мала.
9. Дярч.
10. Ужарч.
11. Бурч.
12. Яхш-хаш.
13. Асар.
14. Къукуь.
15. Гъунч.
16. Буь.
17. Аьш.
18. Нн.
23. Марч.
24. Къарч.